

大竹縣志卷三

建置沿革志

秦并天下肇革封建郡縣聯屬後王永憲朝代屢更
滄桑不止天地悠悠矧茲蕞爾變遷隨世因革互資
其興有自其廢有時一邑消息天下同之爰稽往古
以迄來茲

皇朝受命與天同既經界式封嫗煦置吏覆載既一藩籬
亦寄城郭人民億葉不易作建置沿革志

大竹縣

大竹縣志

卷一

建置沿革一

巴賈之名尙矣在昔人皇出治中州梁岷是其一囿
囿中之國實爲巴蜀五帝以來高陽支庶世守其地
帝嚳始封亦隸疆域唐堯之世書稱賈人爲古賈子
國禹分九土爲梁州之域塗山之會萬國巴人往焉
孟津之會八百國巴師與焉武王既克殷封其宗姬
於巴爵之以子爲古巴子國慎王時秦使張儀司馬
錯滅蜀并滅巴以其地爲巴郡漢高帝既一天下因
秦郡置宕渠縣縣名宕渠始此新莽末爲公孫述所
陷光武初述平復歸漢建安六年劉璋改永寧爲巴

東以巴郡爲巴西昭烈帝割巴郡之宣漢漢昌與宕渠三縣置宕渠郡郡尋省以縣屬巴西郡晉巴西郡統縣九宕渠屬焉惠帝復分巴西置宕渠郡縣如昭烈永寧元年爲李特所陷永和三年李氏平復舊寧康元年陷入苻秦太和元年復歸晉義熙元年又爲譙縱所陷九年討平之晉安帝以後仍立宕渠郡縣屬焉劉宋因之南齊置東南西北四宕渠郡又置東宕渠獠郡東北兩郡州郡志以爲荒無民戶亦不詳其屬邑而西南東獠三郡皆有宕渠縣度以古今地

大竹縣志

卷三

建置沿革 二

勢當是南郡宕渠也梁置潞山縣兼置潞州承聖元年武陵王紀據蜀巴渠皆沒後魏廢帝二年入魏曰潞山郡隋開皇初郡廢并縣入潞水唐武德元年析潞水復置潞山縣兼於縣置潞州及鹽泉縣以渠州之潞水墊江來屬三年仍以潞水歸屬渠州八年潞州廢以墊江隸忠州潞山仍屬渠州久視元年分宕渠地置大竹縣屬蓬州大竹之名始此至德二年復屬渠州寶歷元年縣復爲潞山并省潞水入焉昭宗初王衍據蜀四十六州縣陷後唐同光三年建隆復

舊長興五年孟知祥盡得王建故地縣復陷宋乾□
三年孟昶降縣歸於宋景祐三年省入流江紹興三
年復置寶慶三年果州陞爲順慶府縣屬焉唐宋以
來故縣治在今縣北鳳來鄉元至元二十年始移今
治省潏山潏水入焉屬順慶府至正中爲明玉珍所
陷明洪武四年討平之改縣屬廣安州後復屬順慶
府

皇清因之嘉慶十九年奉部文改屬綏定府文置官知縣
縣丞教諭訓導典史武置官千總把總外委舊府同

大竹縣志

卷三

建置沿革 三

知分駐縣南四合鎮嘉慶五年裁縣地高山大林平
田沃壤稽古以來俱推重地而城邑鄉里累經變遷
約其盛衰因乎時世自我

皇清統一海宇斬除荆棘則壤定疆設官守土太平休養
至於今日故邑中自城池倉廩學校廟壇之大以及
街市亭堠道路溝渠之細莫不嚴肅整齊規模宏偉
幅員之大方圓五六百里人民稠密田野開闢鄒魯
成門冠蓋爲里環顧東北之間甲然稱爲名區卽茲
一邑隆於前代遠矣